



Cyfarfod

IS-BWYLLGOR TRWYDDEDU CANOLOG

Dyddiad ac Amser

11.00 y.b., DYDD MAWRTH, 13EG MAWRTH, 2018

Lleoliad

**Siambr Dafydd Orwig, Swyddfa'r Cyngor,
Caernarfon, Gwynedd. LL55 1SH**

Pwynt Cyswllt

Lowri Haf Evans

01286 679 878

lowrihafevans@gwynedd.llyw.cymru

(Dosbarthwyd 5 Mawrth 2018)

IS-BWYLLGOR TRWYDDEDU CANOLOG

AELODAETH (3)

Y Cynghorwyr

Steve Collings

Jason Wayne Parry

Elfed Williams (Cadeirydd)

Dafydd Owen (Eilydd)

Aelod Lleol

Y Cynghorydd Annwen Hughes

R H A G L E N

1. YMDDIHEURIADAU

Derbyn unrhyw ymddiheuriadau am absenoldeb

2. DATGAN BUDDIANT PERSONOL

Derbyn unrhyw ddatganiad o fuddiant personol

3. MATERION BRYS

Nodi unrhyw eitemau sy'n fater brys ym marn y cadeirydd fel y gellir eu hystyried

4. CAIS AM DRWYDDED EIDDO

5 - 9

PARAFEST, CANOLFAN AWYROFOD ERYRI, LLAIN AWYR LLANBEDR,
LLANBEDR, GWYNEDD LL45 2PX

I ystyried y cais uchod

TREFN MEWN GWRANDAWIADAU TRWYDDEDU

1. Adroddiad ysgrifenedig gan yr Adain Trwyddedu gydag argymhelliad.
2. Gall aelodau'r is-bwyllgor ofyn cwestiynau i gynrychiolydd y Cyngor.
3. Ar ddisgresiwn y Cadeirydd gall yr ymgeisydd neu ei gynrychiolydd ofyn cwestiynau i gynrychiolydd y Cyngor.
4. Gall yr ymgeisydd a/neu ei gynrychiolydd ymhelaethu ar ei gais ac yna galw tystion
5. Gall aelodau'r is-bwyllgor ofyn cwestiynau i'r ymgeisydd a/neu ei gynrychiolydd
6. Ar ddisgresiwn y Cadeirydd gall cynrychiolydd y Cyngor ofyn cwestiynau i'r ymgeisydd neu ei gynrychiolydd
7. Gwahoddiad i bob Ymgynghorai gefnogi unrhyw sylwadau ysgrifenedig
8. Gall cynrychiolydd y Cyngor a'r ymgeisydd neu ei gynrychiolydd grynhoi eu hachos.

Atgoffir oll o'r pedwar egwyddor i'w hystyried wrth benderfynu ar y ceisiadau, sef:

- 1) Rhwystro Trosedd ac Anrhefn;**
- 2) Diogelwch y Cyhoedd;**
- 3) Rhwystro Niwsans Cyhoeddus; ac**
- 4) Amddiffyn plant rhag niwed:**

Eitem 4

PWYLLGOR:	IS -BWYLLGOR TRWYDDEDU CANOLOG
DYDDIAD:	13 MAWRTH 2017
TEITL:	CAIS AM DRWYDDED EIDDO – PARAFEST, CANOLFAN AWYROFOD ERYRI, LLAIN AWYR LLANBEDR
PWRPAS:	ER PENDERFYNIAD
AWDUR:	PENNAETH AMGYLCHEDD

CAIS A DDERBYNIWYD

Atodir cais am drwydded eiddo gan Mark Meadows o Greenfield Events Ltd.135 Gladstone Street, Winsford, Cheshire CW7 4AU ar gyfer gŵyl ‘Parafest’ fydd yn cael ei leoli ar dir Canolfan Awyrofod Eryri ar y Llain awyr yn Llanbedr, LL452PX.

Bwriad yr ymgeisydd yw cynnal gŵyl flynyddol paragleidio ynghyd a digwyddiad cymdeithasol a gweithgareddau eraill yn ymwneud a pharagleidio i beilotiaid ai teuluoedd. Fe fwriedir cynnal gweithgareddau trwyddedig sydd yn agored i'r Cyhoedd fel rhan o'r ŵyl, megis cerddoriaeth fyw, a cherddoriaeth wedi ei recordio. Bwriedir cynnig gwerthiant alcohol a lluniaeth hwyr y nos fel rhan o'r arlwy - yn unol â'r amseroedd a nodir yn y tabl isod. Bwriedir cynnal yr ŵyl ar y penwythnos olaf ym mis Gorffennaf. Fe gynigir safle gwrsylla i fynychwyr yr ŵyl ar y safle.

Mae swyddogion yr Awdurdod Trwyddedu yn fodlon fod tystiolaeth ddigonol fod y cais wedi ei gyflwyno yn unol â gofynion y Ddeddf Drwyddedu 2003 a'r rheoliadau perthnasol ac felly yn ddilys. Oherwydd bod sylwadau sydd yn berthnasol i'r amcanion trwyddedu wedi ei wneud ar y cais; fe gyflwynir y cais er ystyriaeth yr Is - Bwyllgor hwn.

Gweler y tabl amgaeedig am fanylion yr oriau arfaethedig.

GWEITHGAREDDAU TRWYDDEDIG	TRWYDDED ARFAETHEDIG
Cyflenwi alcohol – Ar ac oddi ar y r eiddo	Dydd Iau/Thursday 18:00-01:00 Dydd Gwener/Friday 12:00-01:00 Allanol/Outdoors Dydd Gwener/Friday 23:00-03:00 Dan dol/Indoors Dydd Sadwrn/Saturday 12:00-01:00 Allanol/Outdoors Dydd Sadwrn/Saturday 23:00-03:00 Dan dol/Indoors Dydd Sul/Sunday 12:00-16:30
Cerddoriaeth Fyw/Live Music - Allan/Outdoors	Dydd Gwener/Friday 13:00-00:00 Dydd Sadwrn/Saturday 13:00-00:00
Cerddoriaeth wedi ei recordio O dan do ac allanol/indoors and outdoors	Iau/Thursday 18:00-01:00 Gwener/Friday 10:00-01:00 Allanol/Outdoors Gwener/Friday 23:00-03:00 Dan do/Indoors Sadwrn/Saturday 10:00-01:00 Allanol/Outdoors Sadwrn/Saturday 23:00-03:00 Dan do/Indoors Sul/Sunday 10:00-17:00
Lluniaeth Hwyr y Nos/Late Night	Dydd Iau/Thursday 23:00-01:00 Dydd Gwener/Friday 23:00-01:00

Refreshments - Allanol/Outdoors	Dydd Sadwrn/Saturday 23:00-01:00
Oriau agor a chau i'r Cyhoedd	Dydd Iau/Thursday 12:00-01:00 Dydd Gwener/Friday 12:00-03:00 Dydd Sadwrn/Saturday 12:00-03:00 Dydd Sul/Sunday 12:00-17:00

Mesurau a argymhellir gan yr ymgeisydd i hyrwyddo'r amcanion trwyddedu

- Rheolaeth gadarn a hyfforddiant i staff
- Bwriedir gweithredu polisi Her 21 wrth werthu alcohol ar yr eiddo
- Fe fydd ymwybyddiaeth ymysg staff am arwyddion fod unigolion yn gwerthu a chymryd cyffuriau ar y safle
- Fe fydd cydymffurfiad gyda deddfwriaeth iechyd a diogelwch
- Gweithredir yn unol a'r Asesiad Risg sydd wedi ei greu ar gyfer yr wyl – ac yn unol a'r fersiwn terfynol o'r Cynllun Rheoli Digwyddiad fydd yn cael ei gymerawyo gan y Grwp Ymgynghorol Diogelwch
- Staff diogelwch awdurdodedig gan y Security Industry Authority (SIA)
- Ni fydd ymddygiad gwrth gymdeithasol yn cael ei oddef
- Ni chyflenwir alcohol i gwsmeriaid sydd wedi meddwi.
- Darpariaeth o lefel digonol o oleuo i hyrwyddo'r amcan trwyddedu o ddiogelwch y cyhoedd
- Fe fydd darpariaeth gwasanaeth meddygol ar y safle
- Dim gwydr ar y safle
- Bwriedir gofyn i bob masnachwr bwyd fod wedi cofrestru gydag Awdurdod Lleol ac wedi derbyn sgôr hylendid bwyd o 3 neu uwch
- Cysylltu gyda Dŵr Cymru i drefnu cysylltiad i'r cyflenwad cyhoeddus a chydymffurfio yn llawn gyda darpariaethau statudol perthnasol i ddiogelu cyflenwad dwr.
- Bwriedir cydymffurfio gyda deddfwriaeth Iechyd amgylchedd mewn perthynas â niwsans cyhoeddus - ac fe fydd y gerddoriaeth fyw ac wedi recordio yn cael ei fonitro yn unol â chytundeb gyda'r Uned Iechyd Amgylchedd fydd yn cael ei gynnwys yn y Cynllun Rheoli Sŵn
- Ni fydd y Cyhoedd yn cael mynediad i'r safe tu hwnt i oriau agor.

Gweler manylion llawn y mesurau a argymhellir yn adran **M** o'r cais

YMGYNGHORIAD

Fe ymgynghorwyd ar y cais, ac fe dderbyniwyd ymatebion fel a ganlyn -

YMATEBION	SYLWADAU
Heddlu Gogledd Cymru	E bost - sylwadau
Gwasanaeth Tan ac Achub	Llythyr - sylwadau
Cynghorydd lleol	E bost - sylwadau
Cyngor Cymuned Llanbedr	E bost - sylwadau

Adran Cynllunio Parc Cenedlaethol Eryri	E bost - dim sylwadau
Iechyd Amgylchedd, Gwarchod y Cyhoedd Cyngor Gwynedd	E bost – sylwadau, ac argymhellion amodau
Busnesau, preswylwyr ac ymwelwyr cyfagos	5 E bost yn gwrthwynebu

Cafwyd 11 o e byst – 5 yn gwrthwynebu y cais , a sylwadau ac argymhellion gan y gweddi. Gwnaethpwyd y sylwadau mewn perthynas â'r 4 amcan trwyddedu sef -

- Atal trosedd ac anrhefn
- Diogelwch y Cyhoedd
- Diogelu plant rhag niwed
- Atal niwsans cyhoeddus

Sylwadau Heddlu Gogledd Cymru

Nododd yr Heddlu nad oedd ganddynt dystiolaeth i wrthwynebu y cais; ond fod angen sicrhau fod y Cynllun amlinellol yr ardal drwyddedig sydd wedi ei gyflwyno gyda'r cais yn cael ei ddiwygio i sicrhau fod lleoliad y bar cyflenwi alcohol yn cael ei nodi oddi fewn i'r amlinelliad o'r ardal drwyddedig.

Sylwadau Gwasanaeth Tan ac Achub

Nid oes gan y Gwasanaeth wrthwynebiad - ond nodwyd y bydd rhaid gwirio'r Asesiad Risg Tan drwy'r Grŵp Ymgynghorol Diogelwch yn ogystal â ffigyrau niferoedd o bobl a ellir eu caniatáu yn ddiogel i'r wahanol ardaloedd allanol a mewnol a drwyddedir.

Gwrthwynebiadau - Aelod Lleol a Chyngor Cymuned Llanbedr

Nodwyd nad oedd gwrthwynebiad mewn egwyddor i'r ŵyl - a bod y Cyngor Cymuned a'r Cyngorydd Sir yn cefnogi cyfraniad posib yr ŵyl i'r economi leol. Er hyn , fe nodwyd pryderon parthed y materion isod sydd yn berthnasol i'r amcanion trwyddedu - sef

1. Gwrthwynebwyd oriau hwyr arfaethedig y drwydded - gyda gwrthwynebiad i botensial niwsans cyhoeddus os yw cerddoriaeth chwyddedig yn cael ei ganiatau tan 3 y bore yn unol â'r cais.
2. Nodwyd fod Llanbedr yn ardal dawel , a bod yr ŵyl yn cael ei chynnal ar benwythnos yn ystod cyfnod prysuraf y tymor ymwelwyr. Datganwyd fod pryderon y byddai sŵn yn effeithio pobl sydd yn gwersylla mewn sawl lleoliad, ac y byddai'r sŵn yn cario i fyny i'r pentref hefyd.
3. Argymhellwyd fod y gweithgareddau trwyddedig yn dod i ben am 23:00 yr hwyr yn ystod nosweithiau'r ŵyl.
4. Mynegwyd pryderon am effaith pwysau traffig ychwanegol ar gyfer yr ŵyl - yn ystod cyfnod o brysurdeb y tymor ymwelwyr - yn enwedig ar y bont yn Llanbedr
5. Nodwyd yn ogystal fod y pwysau traffig yn cynyddu'r risg o'r gwasanaethau brys fethu cael mynediad safle a lleoliadau cyfagos - gan nad oes unrhyw ffordd arall y gall y gwasanaethau hyn gael mynediad i'r lleoliad.

Sylwadau ac Argymhelliad amodau – Gwasanaeth Iechyd Amgylchedd, Gwarchod y Cyhoedd Cyngor Gwynedd

Mae'r swyddog yn nodi eu bod yn gwrthwynebu y cais am gerddoriaeth chwyddedig ar ôl 1 y bore ar y sail fod potensial i'r sŵn achosi niwsans i drigolion Llanbedr ac ymwelwyr yn gwersylla mewn

lleoliadau gerllaw'r safle. Ymhellach i hyn, nodir argymhelliad i sŵn gael ei reoli drwy gydol y gweithgareddau yn unol ag amodau sŵn penodol; gydag amod nad yw sŵn cerddoriaeth i'w glywed o gwbl tu mewn i eiddo ger llaw rhwng 1 a 3 y bore.

Argymhellir sawl amod penodol o ran ceisio cyfyngu ardrawiad y sŵn ar boblogaeth gyfagos gan gynnwys -

- a) Trefnwyr i gyflogi peiriannydd/ymgynghorydd arbenigol cymwys mewn acwsteg i sicrhau cydymffurfiaid ag amodau'r drwydded
- b) Amseroedd hedfan y paramotors iw cytuno gyda'r swyddog Iechyd Amgylchedd
- c) Ymgynghorydd sŵn i gynnal arolwg sŵn cefndirol mewn preswylfeydd sensitif cyfagos - lleoliadau iw cytuno gyda'r swyddog Iechyd yr Amgylchedd
- d) Trefnwyr i hysbysu trigolion yn ysgrifenedig am ddyddiadau am amseroedd gweithgareddau gan gynnwys profion lefelau sŵn 20 diwrnod cyn yr ŵyl. Fe fydd hefyd angen darparu manylion llinell ffon fydd ar gael yn ystod yr ŵyl i gwyno os yw'r sŵn yn amharu ar drigolion
- e) Cynnal profion lledaeniad sŵn 2 awr cyn cychwyn y digwyddiad
- f) Ymgynghorydd sŵn i drafod lleoliadau gorau uchelseinyddion y systemau sŵn gyda'r peirianwyr er mwyn lleihau'r ardrawiad sŵn.
- g) Dim cerddoriaeth chwyddedig ar y maes gwerysilla ar y safle
- h) Lefelau sŵn penodol iw cytuno i fyny i 23:00 gyda gostyngiad yn y lefelau a ganiateir rhwng 23:00 a 1:00 y bore - ac os fydd y drwydded yn cael ei chaniatáu tan 3 y bore argymhellir nad yw'r sŵn cerddoriaeth yn cael ei glywed o gwbl tu mewn i eiddo cyfagos
- i) Fe fydd angen monitro yn unol â safonau cydnabyddedig drwy gydol y digwyddiad. Fe fydd rhaid i'r ymgynghorydd sŵn gysylltu â'r peiriannydd sain yn syth i sicrhau eu bod yn cymryd camau rheoli lle mae lefelau sŵn yn uwch na'r lefelau a gytunir ar amodau'r drwydded.
- j) Fe fydd angen sicrhau fod y canlyniadau monitro ar gael i Iechyd yr Amgylchedd trwy gydol yr ŵyl
- k) Argymhellir amod i baratoi adroddiad sŵn drafft i Iechyd Amgylchedd 4 wythnos yn dilyn yr ŵyl.

Gwrthwynebiadau – trigolion lleol

Codwyd y pwyntiau canlynol yn yr ohebiaeth a dderbyniwyd –

1. Mae llawer o'r gwrthwynebwyr yn nodi pryderon fod ardal Llanbedr yn ddistaw, a bod ymwelwyr a thrigolion yn preswyllo yno oherwydd y llonyddwch.
2. Nodir gan sawl ymatebydd fod tystiolaeth eisoes fod sŵn cerddoriaeth o ddigwyddiadau mawr sydd yn cael eu cynnal yn yr awyr agored yn cario ymhell - megis pan gynhelir Gŵyl Rhif 6 a phan gynhaliwyd Wakestock yn y gorffennol.
3. Noder nad yw'r Hanger awyrenau a fwriedir ei ddefnyddio ar gyfer cerddoriaeth a gwerthu alcohol ar ôl 1 y bore wedi ei chynllunio na'i adeiladu er mwyn lleihau ardrawiad sŵn mewn unrhyw ffordd.
4. Mae sawl ymatebydd sydd yn cynrychioli busnesau gwerysilla neu Unedau gwyliau yn nodi fod ganddynt bolisiau dim sŵn o gwbl ar ôl 23:00 ar eu safleoedd - ac y bydd unrhyw sŵn yn cael effaith ar ymwelwyr i'r safleoedd hyn.
5. Mae dau ymatebydd yn nodi pryder yr effaith y bydd sŵn hwyr yn y nos yn cael ar deuluoedd gyda phlant ifanc. Mae un ymatebydd yn nodi ei fod yn dod ai fab sydd yn awtistig i wersylla ar safle Mochras gerllaw oherwydd bod ei gyflwr yn golygu na all oddef sŵn.
6. Datganir pryder nad oes unrhyw fanylion wedi eu rhoi i breswylwyr cyfagos ynglŷn â rhagofalon sŵn
7. Mae un ymatebydd wedi cadarnhau iddo dderbyn tystiolaeth gan Gyngor Cymuned Caerwys fod yr ŵyl wedi achosi amryw o gwynion sŵn pan gynhaliwyd yr un digwyddiad yn yr ardal yn 2016 a 2017.
8. Nodir mewn sawl ymateb am y dymuniad i'r Pwyllgor hwn ystyried cyfyngu oriau gweithredol yr ŵyl i 23:00 yn unig

9. Datganir pryderon fod diogelwch y Cyhoedd yn cael eu tanseilio oherwydd y traffig ar ffyrdd mynedfa cyfyng yn ystod cyfnod prysur.
10. Nodir pryder fod y digwyddiad yn mynd i gyfyngu mynediad gwasanaethau brys i leoliadau cyfagos.
11. Mae un ymatebydd yn nodi pryder fod y digwyddiad yn mynd i greu trafferthion gyda phwysedd y cyflenwad dwr yn yr ardal - gan y bydd angen cysylltu i'r cyflenwad cyhoeddus.
12. Ceir cyfeiriadau at gymalu perthnasol o'r Datganiad o Bolisi Trwyddedu'r Cyngor gan un ymatebydd.

Gweler atodiad yr adroddiad am fanylion llawn y gwrthwynebiadau a dderbyniwyd .

Cyd-destun polisi – Datganiad o Bolisi Trwyddedu Cyngor Gwynedd 2015 - 2020

Mae'n ofynnol ystyried Datganiad o Bolisi Trwyddedu cyfredol y cyngor (gweler atodiad) wrth wneud penderfyniad ar gais am drwydded eiddo trwyddedig. Mae'r Polisi yn annog ystyriaeth yn naturiol o unrhyw agweddau sydd yn debygol o danseilio'r 4 amcan trwyddedu; ond yn ogystal anogir ystyriaeth o ffactorau ehangach.

Tynnir sylw'r pwyllgor hwn at gymal 3.0.6 a 3.0.7o'r Polisi sef -

3.0.6 “Mae'r awdurdod trwyddedu'n cydnabod bod y diwydiant adloniant yng Ngwynedd yn cyfrannu at yr economi leol. Mae'n denu twristiaid ac ymwelwyr, yn gwneud trefi a chymunedau bywiog ac yn gyflogwr mawr. Mae disgwyliad cyfiawn gan feddianwyr masnachol eiddo hefyd o amgylchedd sydd yn atyniadol ac yn gynaliadwy ar gyfer eu busnesau. Ond rhaid cael cydbwysedd gydag anghenion y boblogaeth breswyl – mae dyletswydd ar yr awdurdod trwyddedu i warchod mwynderau'r boblogaeth.

3.0.7 “Bydd y Cyngor hefyd yn rhoi sylw i ystyriaethau ehangach sydd yn effeithio ar fwynderau unrhyw ardal. Mae'r rhain yn cynnwys sbwriel a baeddu, sŵn, trosedd ar y stryd a chapasiti isadeiledd y sir, adnoddau ac adnoddau'r Heddlu i ymdopi a'r mewnlifiad o ymwelwyr, yn enwedig yn ystod y nos”

O safbwynt yr amcan trwyddedu o atal niwsans cyhoeddus mae'r polisi yn gofyn ystyriaeth fel a ganlyn

3.3.4 “Mae'r awdurdod trwyddedu wedi'i ymrwymo i sicrhau nad yw mwynderau ac amgylchedd byw a gweithio pobl eraill sydd yn byw a gweithio yn ardal yr eiddo trwyddedig dan fygythiad.”

3.3.5 “Wrth ystyried effaith bosib eiddo trwyddedig ar yr ardal gyfagos, ystyrir yr hyn a ganlyn:

- *y gweithgareddau trwyddedig y gwneir cais drostynt*
- *yr oriau gweithredu y gwneir cais amdanynt*
- *capasiti'r eiddo*
- *cymeriad yr ardal, ac*
- *agosrwydd i breswylwyr lleol.”*

ARGYMHELLIAD

Gofynnir i'r Pwyllgor ystyried y cais yn unol â gofynion y Ddeddf Trwyddedu 2003; a Datganaid o Bolisi Trwyddedu y Cyngor.